

Era istòria de Plancton, Divulgacion e Servicis Marins

Nòm: _____

Grop: _____

Tà estimar cau conèisher e aguest ei er objectiu de dues amigues: ensenhar era mar as personas tà que la gaudisquen e consèrven.

Podem díder que tot comencèc ena Universitat de Barcelona pr'amor qu'ei aquí a on se coneisheran Eli e Aurora. Es dues corsaven un mastèr d'oceanografia e collaboraven de manèra voluntària ena Associació Catalana d'Oceanògrafes i Oceanògrafs (ACOIO).

Eli e Aurora lèu vederen que s'aviegen e trabalhaven fôrça ben amassa. De forma que non tardèren en demanar-se quauquarren: "Perqué non desvolopam amassa un projècte?" E era resposta siguec Plàncton Divulgació i Serveis Marins, que neishec en seteme de 2012.

Com ditz Aurora: "eth principau objectiu dera empresa ère e ei hêr a conèisher era mar a toti tà que se l'acaben estimant". Tostemp reflectissen eth sòn "fòc" personau, divertir-se aprenent, en cada activitat que realizen en centre.


Enes inicis sonque aurfrien eth servici de snorkel e damb es ans comencèren a hêr d'autres activitats coma era immersion. Aguest servici suposèc eth neishement hê dus ans e miei d'ua naua branca dera empresa mair: Plàncton Diving.

Es fondadores compdèren damb Xavi, pompièr de rescat subaquatic, non sonque tà ajudar-les a formar-se en aguest espòrt se non tanben tà incorporar-se coma director tecnic de Plàncton. Ara son ua equipa a on cada un apòrte es sòns coneishements e era sua experiència: Xavi, ena immersion e Eli e Aurora, ena gestion deth centre, era biologia marina e era oceanografia.

Er snorkel e era immersion son dues activitats complementàries. Tà practicar era prumèra non cau hêr un cors preliminar, sonque as de saber nadar. Per contra, entà practicar era segona cau auer ua bona salut e hêr un cors d'iniciacion tà apréner aspèctes basics de seguretat e foncionament deth tòn còs laguens dera mar, atau coma dera fauna e era flòra marina.

Er snorkel ei immersion leugèra, ei a díder, damb ues lunetes e un tuèu pòs observar era vida marina flotant des dera superfície o, se vòs, te pòs submergir; mentre qu'era immersion implique portar ua botelha damb aire ena esquia que te permet èster totauments submergit, en tot respirar aguest aire.

En conseqüència, es sensacions qu'experimentes son diferents en cada ua des activitats. Damb er snorkel ès mès liura tà nadar pr'amor que non pòrtes guaire materiau. Damb era immersion vas "volant" laguens dera aigua perque te sentes fôrça leugèr e, ath delà, pòs veir es peishets de mès apròp sense que s'espanten.





En tot cas, en quinsevolh d'aguestes modalitats pòs gaudir dera mar, senter-te mès relaxat e confiat damb tu madeish.

Sense dobte eth centre Plàncton ei eth lòc ideau tà víuer ua experiéncia aquatica e préner consciéncia dera importància deth miei marin. Auem d'ajudar a preservar-lo e mantier-lo net peth ben des espècies marines e terrèstres, en definitiva, pera salut deth planeta.

Se vòs saber mès informacion sus Plancton Divulgacion e Servicis Marins, consulta era plana web:
<https://www.planctondiving.cat>

VOCABULARI E EXPRESSIONS

Oceanografia: sciéncia qu'estúdie es oceans.

Diving: immerssion.

Fauna: conjunt d'espècies animaues qu'abiten en un territòri determinat, en estat sauvatge e perfèctaments identificades damb eth miei ambient que les entore.

Flòra: conjunt d'espècies vegetaus que creishen en ua region o en un territòri.

Plancton: conjunt d'organismes marins.

SINONIMS

Immersion: submersion.

Preservar: protegir, conservar.

1 AUEM CURIOSITAT

1. Quini espòrts aquatics coneishes?

.....

2. As practicat jamès snorkel o immersion? Hè ua lista der equipament que s'a de besonh entà practicar-les. S'auesses d'escuèlher entre un d'aguesti espòrts, quin escuelheries? Perqué?

.....

3. Escriu e comenta damb es companhs de classa e eth professor/a quines accions podem hèr de manèra individuau e collectiva tà cuedar e respectar eth miei marin.

Quin ei eth perilh?

Exemple: es vaishèths que transpòrten petròli

Qué passe?

Eth petròli enlordís era mar e es peishi s'ac mingen

Qué podem hèr tà solucionã'c?

Revisar e controlar millhor es vaishèths de transpòrt.

4. I a bèra idea de projècte que t'agradarie hèr damb un amic/ga? Explica-la brèuments.

.....